



NIBIO - NORSK INSTITUTT FOR BIOØKONOMI
Postboks 115
1431 ÅS
Att. Steffen Adler

Saksbehandlar, innvalstelefon
Marita Fjelle, 71 25 84 61

Dispensasjon for innsamling av insekt i Småge naturreservat

Statsforvaltaren viser til søknad av 24.06.2021 frå Steffen Adler om løyve til å samle inn insekt for å bestemme artar i forbindelse med kartlegging av insekt på Småge. Innsamlinga vil dels skje i Smågevatnet naturreservat, og i utvalt naturtype (kystlynghei) på Småge, Aukra kommune.

Bakgrunn

Forum for natur og friluftsliv i Møre og Romsdal har fått tilskot til å kartlegge insekt på Småge. Målet er å evaluere naturgrunnlaget og effekten som skjøtselen av kystlyngheia har for insekta. Innsamling av insekt kan bli nødvendig for å bestemme artar og/eller dersom det er ønskeleg med belegg.

Gjennomføring

Kartlegginga skal gjennomførast av Steffen Adler og Øystein Folden i perioden frå juli til september.

Det vil bli valt ut 3-4 representative areal for kartlegging og innsamling. Metode for innsamling av insekt vil være lysfelle, malaisefelle og håving. 1-3 malaisefeller skal stå ute i heile perioden og tømstast regelmessig. 3 lysfeller vil bli satt ut på utvalde netter og håving vil gjennomførast omtrent ein gong per månad.

Metode for å bestemme artar vil være observasjon, preparering, mikroskopering og eventuelt DNA-analyse.

Lovgrunnlag

Søknaden er vurdert opp mot gjeldande verneforskrift for Smågevatnet naturreservat, fastsett ved kgl.res. 27. mai 1988. Føremålet med fredinga er å ta vare på eit viktig våtmarksområde med tilhøyrande plantesamfunn, fugleliv og anna dyreliv.

«Dyreliv» inkluderer i juridisk forstand i denne samanheng også insekt. Verneforskrifta inneheld ingen unntaksbestemmelser eller dispensasjonshjemler for insektfangst.

Heimel for vedtak om dispensasjon er § 48 i naturmangfaldlova (nml): *Forvaltningsmyndigheten kan gjøre unntak fra et vernevedtak dersom det ikke strider mot vernevedtakets formål og ikke kan påvirke*



verneverdiene nevneverdig, (...). Vedtak om dispensasjon må også vurderast opp mot prinsippa i nml §§ 8-12, jf. § 7.

Statsforvaltaren si vurdering

Statsforvaltaren legg til grunn at kartlegging av insekt er positivt for å styrke kunnskapsgrunnlaget knytt til effekten av skjøtselstiltak i kystlynghei. Formålet med prosjektet veg opp for den minimale skaden verneområda kan bli påført.

Kunnskapsgrunnlaget som ligg til grunn for vedtaket vurderer vi som tilstrekkeleg til å gi dispensasjon, jf. nml § 8. Føre-var-prinsippet (nml § 9) får ikkje vekt. Vi ser ikkje behov for særskilt vurdering etter nml §§ 10, 11 og 12.

Vedtak

Statsforvaltaren gir Steffen Adler og tilknytte prosjektmedarbeidarar dispensasjon frå verneforskrifta til å kunne samle inn insekt for å bestemme artar i Smågevatnet naturreservat. Heimel for vedtaket er § 48 i naturmangfaldlova.

Vilkår

- Dispensasjonen gjeld i perioden frå 08.07.2021 – 01.12.2021.
- Alle som deltek i prosjektet må rette seg etter verneforskrifta til område.
- Ein kopi av vedtaksbrevet skal vere med i felt for å visast fram ved eventuell kontroll.

Vi gjer merksam på at vedtaket berre omfattar dispensasjon i medhald av naturmangfaldlova frå verneforskriftene for verneområda. Nødvendige løyver etter anna lovverk må avklarast med rette myndigheiter.

Klage på vedtaket

Partane i saka eller andre med rettsleg klageinteresse kan klage på vedtaket innan tre veker frå det er mottatt. Klagen må vere grunngitt, og skal sendast til Statsforvaltaren. Miljødirektoratet avgjer klagen dersom Statsforvaltaren opprettheld vedtaket. Reglane om klage på vedtak går fram av kapittel VI i forvaltningslova.

Med helsing

Bjarne Otnes (e.f.)
fagleiar

Marita Fjelle
rådgivar

Dokumentet er elektronisk godkjent